

Na osnovu člana 44. Zakona o ustanovama socijalne zaštite Federacije Bosne i Hercegovine («Službene novine F BiH» broj: 64/22), člana 21.a. Zakona o zaštiti ličnih podataka (Službeni glasnik BiH broj: 49/06, 76/11, 89/11), Uredbe o poslovima tehničke zaštite, koji se odnose na korištenje alarmnih sistema, videonadzora ili drugih tehničkih sredstava i opreme, te poslove intervencije u slučaju aktiviranja alarmnih sistema («Službene novine F BiH» broj: 72/15), i člana 37. i 55. Pravila Ustanove za socijalno zbrinjavanje, zdravstvenu njegu, odgoj i obrazovanje Pazarić ( Službene novine F BiH broj: 57/23), Upravni odbor Ustanove Pazarić na svojoj 37. sjednici održanoj dana 09.11.2023.godine donosi:

## **P R A V I L N I K**

### **O KORIŠTENJU SISTEMA VIDEO NADZORA U USTANOVU ZA SOCIJALNO ZBRINJAVANJE, ZDRAVSTVENU NJEGU, ODGOJ I OBRAZOVANJE-PAZARIĆ**

#### **I - OPĆE ODREDBE**

##### **Član 1.**

(1) Pravilnikom o video nadzornom sistemu u Ustanovi za socijalno zbrinjavanje, zdravstvenu njegu, odgoj i obrazovanje- Pazarić ( u daljem tekstu: Ustanova) , bliže se određuje uspostava, pravni osnov, svrha, način, vrijeme čuvanja, te upotreba snimljenih podataka; kao i upotreba sistema videonadzora i alarmnih sistema u prostorijama Ustanove, prostoru oko Ustanove i obim podataka, u svrhu smanjenja rizika i povećanja zaštite i sigurnosti korisnika, radnika i svih drugih osoba koje se nađu u prostorijama kao i prostoru oko objekata Ustanove Pazarić.

(2) Pravilnikom se bliže uređuju i poslovi zaštite lica i imovine Ustanove Pazarić koji se odnose na korištenje alarmnih sistema, video nadzora, vatrodojave odnosno drugih tehničkih sredstava i opreme čiji uređaji imaju mogućnost detekcije, signalizacije i pohrane podataka, uvezivanje alarmnih sistema na dojavni centar, i poslove intervencije u slučajevima aktiviranja alarmnih sistema.

##### **Član 2.**

(1) Ovaj Pravilnik primjenjuje se na odgovarajući način u skladu sa zakonskim i podzakonskim aktima kojima se uređuje i regulira zaštita osobnih podataka i provođenje sistema tehničke zaštite.

(2) Ovim Pravilnikom uređuje se i definira sljedeća svrha video nadzora:

- a) uspostava sistema video nadzora;
- b) svrha, obim i zaštita ličnih podataka koji se prikupljaju;
- c) način i vrijeme čuvanja snimljenih podataka;
- d) upotreba, čuvanje, pohranjivanje, čuvanja i korištenja podataka prikupljenih sistemom video nadzora, Ustanova Pazarić je dužna zaštititi podatke u skladu sa Zakonom o zaštiti ličnih podataka Bosne i Hercegovine, te ostalim propisima koji uređuju predmetnu oblast.

##### **Član 3.**

(1) Svrha video nadzora jeste registracija i pohrana kretanja unutar objekata Ustanove radi otežavanja neovlaštenog pristupa objektima, odnosno počinjenja krivičnog djela ili povrede radne obaveze, te olakšani pronalazak te osobe, kao i smanjenje rizika izloženosti radnika i korisnika usluga riziku od fizičkih incidenata ili drugih rizika.

(2) Videonadzor mora biti ispravan i u funkciji 24/7, što podrazumijeva 24- satni zapis aktivnih događaja u objektu i prostoru, odnosno u vanjskim dijelovima objekta i prostora koji se štiti sedam dana u sedmici.

(3) Pod aktivnim događajima iz stava (3) ovog člana podrazumijevaju se svi događaji koji nastanu u objektu i prostoru, odnosno u vanjskim dijelovima objekta i prostora koji se štite .

## **II-OBIM PODATAKA SISTEMA VIDEO NADZORA**

### **Član 4.**

(1) Sistem video nadzora u Ustanovi Pazarić provodi se isključivo u svrhu:

- a) smanjenja rizika i povećanja zaštite sigurnosti korisnika usluga, radnika i ostalih osoba koji se nađu u prostorijama Ustanove;
- b) efikasne zaštite imovine, operativnih površina, objekata, instalacija, uređaja i opreme;
- c) radi spriječavanja protupravnih radnji;
- d) utvrđivanja odgovornosti Ustanove Pazarić prema trećim licima odnosno odgovornosti trećih lica prema Ustanovi u vezi obavljanja djelatnosti, u slučajevima izvršavanja zakonskih obaveza i kada je to nužno u svrhu zakonskih interesa Ustanove.

(2) Sistem videonadzora je dio cjelovitog sistema tehničke zaštite, te je namijenjen prvenstveno nadziranju ulazaka i izlazaka u prostorije Ustanove, nadziranju prostorija, dvorišta i svih vanjskih površina oko objekta od strane ovlaštenih osoba radi boljeg uvida nad cjelokupnim objektom, odnosno povećanja sigurnosnog aspekta prostora i objekata Ustanove.

### **Član 5.**

(1) Dozvoljena je upotreba sistema videonadzora u smislu vođenja evidencija u skladu sa Zakonom o radu FBiH u dijelu koji se odnosi na obavezu Ustanove da svakodnevno vodi evidenciju o radnicima i drugim licima angažovanim na radu.

(2) Video nadzor se može koristiti i kao sredstvo zaštite na radu pod uslovima propisanim Zakonom o zaštiti na radu.

### **Član 6.**

(1) Unutrašnje kamere, pokrivaju sve prostorije u objektima Ustanove, osim:

- a) prostora za odmor, osobnu higijenu i prevlačenje korisnika usluga,
- b) kancelarijski prostor.

(2) Ovlaštenim osobama dopušteno je korištenje video nadzora radi kontrole ulazaka i izlazaka iz kancelarijskih prostora i boravka u ovim prostorijama radi smanjenja izloženosti radnika riziku od razbojništva, nasilja, krađe i sličnih događaja na radu ili u vezi sa radom.

## **Član 7.**

- (1) Ustanova je dužna označiti da je objekat, te unutrašnje prostorije i vanjska površina nad video nadzorom.
- (2) Oznaka sa obavijesti mora biti istaknuta na vidnom mjestu, vidljiva najkasnije prilikom ulaska u nadzirani prostor.
- (3) Obavijest iz stava (2) ovog člana treba sadržavati sve relevantne informacije u vidu jednostavne i razumljive slike uz tekst kojim se pružaju sljedeće informacije:
  - a) da je prostor pod video nadzorom;
  - b) podatke za kontakt putem kojih se mogu dobiti opće informacije o video nadzoru.
- (4) Podaci o osobama prikupljeni sistemom tehničke zaštite izvan njihove zakonske namjene ne smiju se koristiti.
- (5) Uvid u snimke (pristup ličnim podacima prikupljenim putem video nadzora) dopušten je samo ovlaštenim radnicima Ustanove, posebno imenovanim od strane direktora, koji ne smiju koristiti snimke suprotno svrsi utvrđenoj ovim Pravilnikom.
- (6) Ustanova Pazarić posjeduje uređaje za pohranu videozapisa, gdje se deponuju i arhiviraju videozapisi, u trajanju od minimalno 30 dana.

## **III-UPOTREBA PODATAKA DOBIJENIH VIDEONADZOROM**

### **Član 8.**

- (1) Kontrolor sistema video nadzora je direktor Ustanove Pazarić kao odgovorno lice.
- (2) Kontrolor je odgovorno lice koje ima pristup monitoringu u realnom vremenu i arhivi sistema video nadzora, te može slobodno da pristupa podacima i obrađuje podatke sistema video nadzora u skladu sa Zakonom o zaštiti ličnih podataka Federacije Bosne i Hercegovine.
- (3) Ovlašteno lice pristup podacima u smislu ovog člana, ima u prostorijama Ustanove ili putem IP veze sa druge lokacije ili mobilnog uređaja.
- (4) Direktor Ustanove može posebnom odlukom ovlastiti radnika Ustanove da ima pristup video nadzornom sistemu (u realnom vremenu ili pristup arhivi podataka) u svojstvu obrađivača podataka.

### **Član 9.**

- (1) Pristup administraciji video nadzora, monitoringu i obradi podataka imaju i ovlaštene policijske agencije, ministarstva unutrašnjih poslova u Bosni i Hercegovini, pravosudni organi (sud i tužilaštvo) uz predočenje validnog naloga, odnosno podnošenja obrazloženog pismenog zahtjeva za pristup podacima.

## **IV- ZAŠTITA LIČNIH PODATAKA**

### **Član 10.**

(1) U skladu sa Zakonom o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem sistema video nadzora.

(2) Direktor, kao ni bilo koja druga osoba, ne smije koristiti podatke o osobama prikupljene video nadzornim sistemom zaštite izvan njihove zakonske najmene, a raspolaganje snimkama dopušteno je samo direktoru Ustanove.

(3) Osobe obuhvaćene video nadzorom imaju prava zajamčena Zakonom o zaštiti ličnih podataka Bosne i Hercegovine, te pravo podnošenja pritužbe nadzornom tijelu – Agenciji za zaštitu ličnih podataka Bosne i Hercegovine.

(4) Lični podaci dobijeni i obrađivani sistemom videonadzora ne mogu se proslijediti drugim primateljima, osim na osnovu zakonske obaveze i u druge propisane svrhe.

### **Član 11.**

(1) Snimci pohranjeni putem video nadzora po osnovu kojih se može identifikovati nosilac podataka predstavljaju zbirku ličnih podataka.

(2) Evidencija nad zbirkom ličnih podataka u smislu tehničke izvedbe video nadzornog sistema (arhivski videozapisi) definiše se u skladu sa Zakonom o zaštiti ličnih podataka Bosne i Hercegovine, na način da ista sadrži osnovne informacije o zbirci, a posebno:

- a) naziv zbirke;
- b) ime, prezime i adresu kontrolora podataka i obrađivača podataka;
- c) svrhu obrade podataka;
- d) zakosnki osnov za obradu;
- e) vrstu podataka koji se obrađuju;
- f) izvor podataka i način prikupljanja

(3) Evidencija nad zbirkom ličnih podataka nalazi se kod direktora Ustanove Pazarić.

### **Član 12.**

(1) Sistem videonadzora mora biti zaštićen od pristupa neovlaštenih osoba primjenom tehničkih i organizacijskih mjera zaštite podataka.

(2) Podaci prikupljeni putem videonadzora se smatraju poslovnom tajnom, a pristup ovim podacima se ostvaruje isključivo na osnovu ovlaštenja odgovornih osoba utvrđenih shodno odredbama ovog Pravilnika.

(3) Snimljeni materijali se ne smiju emitirati u javnost, niti pred osobama koje nisu ovlaštene za nadzor ili pregled snimke.

### Član 13.

- (1) Ukoliko radnici Ustanove Pazarić zatraže uvid i /ili izuzimanje nekog video zapisa u svrhu dozvoljenu ovim Pravilnikom, direktor će u slučaju opravdane potrebe određene u skladu sa ovim Pravilnikom, odlučiti da li se uvid i /ili izuzimanje dozvoljava.
- (2) Zahtjev za uvidom ili izuzimanjem video zapisa predat će se pisanim putem direktoru ili osobi koju je direktor posebnom odlukom ovlastio za odlučivanje o pravu uvida i/ili izuzimanja video zapisa.
- (3) Ukoliko direktor ili osoba iz stava (2) ovog člana utvrdi da je potreba za uvid ili izuzimanje nekog video zapisa opravdana dostavlja zahtjev osobi ovlaštenoj za pristup video zapisu.
- (4) Podaci koji se trebaju izuzeti izuzimaju se pristupom bazi podataka na primarnom serveru video nadzora.
- (5) Nakon što je izvršen uvid i /ili izuzimanje video zapisa ovlašteni radnik koji je izvršio ovo izuzimanje, upisuje u evidencijski list imena osoba koje su izvršile uvid u video zapis ili preuzele medij s izuzetim video zapisom.
- (6) Evidencijska lista je sastavni dio ovog Pravilnika.

## V- PRIJELAZNE I ZAVRŠNE ODREDBE

### Član 14.

- (1) Na sva pitanja koja nisu regulisana ovim Pravilnikom neposredno se primjenjuje Zakon o radu, Zakon o zaštiti ličnih podataka, drugi važeći zakonski propisi i Pravilnik o radu.

### Član 15.

- (1) Izmjene i dopune ovog Pravilnika vrše se na način i u postupku utvrđenom za njegovo donošenje.

### Član 16.

- (1) Ovaj Pravilnik stupa na snagu osmi dan od dana donošenja od strane Upravnog odbora Ustanove Pazarić, i objaviti će se na web stranici i oglasnoj ploči Ustanove Pazarić.

Broj:02-1-1508-1/01-1/23  
Datum:11.2023. godine

**PREDSJEDNICA  
UPRavnog ODBORA**

Mirjana Mihalj, dip.scr



**EVIDENCIJSKA LISTA PRISTUPA SNIMKAMA VIDEO NADZORA  
U USTANOVI PAZARIĆ**

<b>EVIDENCIJSKA LISTA OSOBA KOJE SU IZVRŠILE UVID U VIDEO ZAPIS ILI PREUZELE MEDIJSKI ZAPIS S IZUZETIM VIDEO ZAPISOM</b>						
<b>IME I PREZIME OSOBE OVLAŠTENE ZA PRISTUP</b>	<b>IME I PREZIME OVLAŠTENOG OPERATERA SISTEMA VIDEO NADZORA</b>	<b>DATUM PRISTUPA</b>	<b>VRIJEME PRISTUPA</b>	<b>MJESTO PRISTUPA</b>	<b>IME I PREZIME OSOBE KOJA JE PREUZELA MEDIJSKI ZAPIS</b>	<b>POTPIS OSOBE KOJA JE PREUZELA MEDIJSKI ZAPIS</b>



**USTANOVA ZA SOCIJALNO ZBRINJAVANJE ZDRAVSTVENU NJEGU ODGOJ I OBRAZOVANJE PAZARIĆ**  
**SOCIAL WELFARE AND HEALTHCARE UPBRINGING AND EDUCATION INSTITUTION PAZARIĆ**

**-UPRAVNI ODBOR-**

**Broj: 02-1-1508/01-1/23**

**Datum: 09.11.2023.godine**

Na osnovu člana 44. Zakona o ustanovama socijalne zaštite Federacije BiH (Službene novine F BiH broj: 64/22) i člana 37. Pravila Ustanove za socijalno zbrinjavanje, zdravstvenu njegu, odgoj i obrazovanje Pazarić (Službene novine F BiH broj: 57/23), Upravni odbor na svojoj 37. sjednici održanoj dana 09.11.2023.godine, donio je;

**ODLUKU**

o donošenju Pravilnika o korištenju sistema videonadzora  
Ustanove za socijalno zbrinjavanje, zdravstvenu njegu, odgoj i obrazovanje Pazarić

**Član 1.**

Upravni odbor donosi Pravilnika o korištenju sistema videonadzora Ustanove za socijalno zbrinjavanje, zdravstvenu njegu, odgoj i obrazovanje Pazarić.

**Član 2.**

Sastavni dio odluke je Pravilnika o korištenju sistema videonadzora Ustanove za socijalno zbrinjavanje, zdravstvenu njegu, odgoj i obrazovanje Pazarić.

**Član 3.**

Odluka stupa na snagu danom donošenja i objavit će se na eb stranici i oglasnoj ploći Ustanove Pazarić.

**Dostavljeno:**

1. Federalno ministarstvo rada i socijalne politike
2. Direktor
3. Sužbe ustanove Pazarić-svima
4. A/a

**PREDSJEDNICA  
UPRAVNOG ODBORA**

*Mirjana Mihalj*  
Mirjana Mihalj, dipl.ser

